



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶ ԳՅՈՒՄՐԻ ՀԱՄԱՅՆՔԻ ԱՎԱԳԱՆԻ

ԱՐՁԱՆԱԳՐՈՒԹՅՈՒՆ N 2

26 հուլիսի 2024 թվական

ԱՎԱԳԱՆՈՒ ԱՐՏԱՀԵՐԹ ՆԻՍՏԻ

Համայնքի ավագանու նիստին ներկա էին ավագանու 21 անդամներ:

Նիստը արձանագրում էր աշխատակազմի քարտուղար Կարեն Բաղդասարյանը:

Նիստը վարում էր համայնքի ղեկավար Վարդգես Սամսոնյանը:

Համայնքի ղեկավարի հրավերով ավագանու նիստին մասնակցում էին՝
Գյումրու համայնքապետարանի ստորաբաժանումների պետերը,
զանգվածային լրատվության միջոցների ներկայացուցիչներ
խմբակցությունների փորձագետներ:

Ելույթներով հանդես եկան Գյումրի համայնքի ավագանու ներքոհիշյալ անդամները,

Քնարիկ Հարությունյանը պարզաբանեց «Քաղաքացիական պայմանագիր»
խմբակցության կողմից արտահերթ նիստ նախաձեռնելու դրդապատճառները,
ներկայացրեց ներկայացվող նախագծի նախապատմությունը և նպատակը, որն է՝ ՀՀ
վարչական դատարան ներկայացնել պետական համայնքային շահերի պաշտպանության
մի շարք հայցեր՝ Գյումրի համայնքի ղեկավարների 2003-2018թթ. թվով 24 ուրոշումներ
անվավեր ճանաչելու և անվավերության հետևանքները կիրառելու մասին: Մի քանի գույք
տիկին Հարությունյանը առանձնացրեց՝ ներկայացնելով մանրամասն տեղեկատվություն:
Նա համոզմունք հայտնեց, որ նիստի նախաձեռնությամբ հավատարիմ են մնում
որդեգրված արժեքներին, իսկ ՀՀ քաղաքացիներն այլևս անհանդուրժողական են
ապօրինությունների դեմ: Կոչ արեց բոլոր ավագանու անդամներին լինել Գյումրու և
գյումրեցու կողքին, չդրսևորել անտարբերություն:

Լուսինե Սանոյանն իր ելույթը կառուցեց այն տրամաբանությամբ, որ ավագանին չէ այն
ինստիտուտը, որը պետք է մեղավորների անուններ հնչեցնի, կոչ արեց իր
գործընկերներին գործընթացը չքաղաքայնացնել և ավելորդ համարեց մեղավորների
անուններ հնչեցնելը. «Մեզ համար առաջնային է Գյումրու և Գյումրեցու շահը, մենք
կաշկանդված չենք որևէ հանգամանքով, «Քաղաքացիական դաշինքը» նախագծին «կողմ» է
քվեարկելու»:

Վոլոդյա Հակոբյանը հրավիրեց ներկաների ուշադրությունը նիստից բացակայող ավագանու անդամների՝ հատկապես «Հանրապետական» խմբակցության վրա, որ կարող էին գալ և «դեմ» քվեարկել՝ պարզաբանելով իրենց դիրքորոշումը ժողովրդի համար: Նշեց, որ սա քաղաքական գործընթաց է ևս, քանի որ հստակ վերաբերում է քաղաքական գործիչների և նրանց կայացրած որոշումների և որ ավագանին է համայնքի առաջնային շահապաշտպան օղակ, որը մանդատ է տալու դատարանին: Շնորհակալություն հայտնեց տիկին Սանոյանին՝ հայտնաձև դիրքորոշման համար:

Կարեն Մալխասյանը գյումրեցիներին պարզաբանումներ տվեց նախագծի վերաբերյալ և ասաց, որ այս հարցի շուրջ նա իր դիրքորոշումը վաղուց է հայտնել և այն չի փոխվել. այս հարցով միանշանակ պետք է զբղվի դատախազությունը, քանի որ այս գործերի նախապատմությանը դատախազությունը լավատեղյակ է: Պարոն Մալխասյանը հայտարարեց, որ իր խմբակցությունը քվեարկությանը չի մասնակցելու:

Վարդևան Հակոբյանը շնորհակալություն հայտնեց Ք.Հարությունյանին նախադեպը չունեցող նախագծի համար՝ նշելով, որ սա լրիվ իրավական գործընթաց է: Խոսեց փաստերով, որ նշված գործերից երկուսը արդեն դատարանում են և որ լավ կլիներ գործերի վերաբերյալ նախագծերը օրակարգ մտնելին առանձին-առանձին: Պարոն Հակոբյանն ասաց, որ սա դատախազության գործն է: Նա նախատեց ներկաներին նախագծին «կողմ» քվեարկելու դիրքորոշում ունենալու համար և հայտարարեց, որ ինքը չի մասնակցելու քվեարկությանը:

Համայնքի ղեկավարը՝ տիկին Հարությունյանին առաջարկություն արեց 30 րոպե ընդմիջում անել՝ քննակելու և որոշակի փոփոխություններ նախագծում կատարելու համար՝ մասնավորապես վրիպակի ուղղում՝ տարեթվերի հետ կապված, փաստաբանական ծառայության համար գումարի հատկացում և ժամկետների վերանայում: Առաջարկությունն ընդունվեց և նիստն ընդմիջվեց:

Ընդմիջումից հետո համայնքի ղեկավարն ընթերցեց 4 առաջարկություն, որոնք ընդունվեցին հեղինակի կողմից և լրամշակված նախագիծը դրվեց քվեարկության:

ԼՍԵՑԻՆ

ՊԵՏԱԿԱՆ (ՀԱՄԱՅՆՔԱՅԻՆ) ՇԱՀԵՐԻ ՊԱՇՏՊԱՆՈՒԹՅԱՆ ՀԱՅՏԵՐ ՆԵՐԿԱՅԱՑՆԵԼՈՒ ԵՎ ՓԱՍՏԱԲԱՆԱԿԱՆ ԾԱՌԱՅՈՒԹՅՈՒՆ ՁԵՌՔ ԲԵՐԵԼՈՒ ՄԱՍԻՆ

(Ձեկ. ՎԱՐԴԳԵՍ ՍԱՄՍՈՆՅԱՆ)

Ղեկավարվելով «Տեղական ինքնակառավարման մասին» օրենքի 18-րդ հոդվածի 1-ին մասի 10-րդ կետով, հիմք ընդունելով Հայաստանի Հանրապետության գլխավոր դատախազության՝ 2024 թվականի հունիսի 11-ի թիվ 05.1/05.6/10532-2024 և 2024 թվականի հունիսի 19-ի թիվ 05.1//11292-2024 գրությունները, ինչպես նաև Շիրակի մարզի դատախազության կողմից 2024 թվականի հունիսի 5-ի թիվ 1634-24 գրությամբ Գյումրի համայնքի ավագանուն ներկայացված առաջարկությունները և Գյումրի համայնքի ավագանու «Քաղաքացիական պայմանագիր» խմբակցության ղեկավար Քնարիկ Հարությունյանի՝ Գյումրի համայնքի ղեկավարին ներկայացրած 2024 թվականի հուլիսի 22-ի 2/1472 գրությունը՝ **Հայաստանի Հանրապետության Շիրակի մարզի Գյումրի համայնքի ավագանին որոշում է.**

1. Հայաստանի Հանրապետության վարչական դատարան ներկայացնել պետական (համայնքային) շահերի պաշտպանության հայցեր՝ Գյումրի համայնքի ղեկավարի հետևյալ որոշումներն անվավեր ճանաչելու և անվավերության հետևանքներ կիրառելու մասին պահանջներով.

- 1) Գյումրու քաղաքապետի 2003թվականի սեպտեմբերի 17-ի թիվ 1439 որոշում.
- 2) Գյումրու քաղաքապետի 2006 թվականի մայիսի 30-ի թիվ 628 որոշում.
- 3) Գյումրու քաղաքապետի 2006 թվականի օգոստոսի 29-ի թիվ 1111 որոշում.
- 4) Գյումրու քաղաքապետի 2006թվականի հոկտեմբերի 10-ի թիվ 1331 որոշում.
- 5) Գյումրու քաղաքապետի 2006թվականի հոկտեմբերի 10-ի թիվ 1330 որոշում.
- 6) Գյումրու քաղաքապետի 2006 թվականի նոյեմբերի 11-ի թիվ 1430 որոշում.
- 7) Գյումրու քաղաքապետի 2006թվականի դեկտեմբերի 18-ի թիվ 1794 որոշում.
- 8) Գյումրու քաղաքապետի 2007թվականի հուլիսի 2-ի թիվ 1153 որոշում.
- 9) Գյումրու քաղաքապետի 2007թվականի նոյեմբերի 19-ի թիվ 2169 որոշում.
- 10) Գյումրու քաղաքապետի 2008թվականի մարտի 17-ի թիվ 479 որոշում.
- 11) Գյումրու քաղաքապետի 2008թվականի մարտի 24-ի թիվ 531 որոշում.
- 12) Գյումրու քաղաքապետի 2008թվականի մայիսի 7-ի թիվ 916 որոշում.
- 13) Գյումրու քաղաքապետի 2018թվականի հուլիսի 11-ի թիվ 1405 որոշում.
- 14) Գյումրու քաղաքապետի 2008 թվականի հուլիսի 11-ի թիվ 1404 որոշում.
- 15) Գյումրու քաղաքապետի 2008թվականի թիվ 2695 որոշում.
- 16) Գյումրու քաղաքապետի 2010թվականի հունվարի 13-ի թիվ 35-Ա որոշում.
- 17) Գյումրու քաղաքապետի 2010թվականի սեպտեմբերի 17-ի թիվ 2452-Ա որոշում.
- 18) Գյումրու քաղաքապետի 2010թվականի հոկտեմբերի 12-ի թիվ 2673-Ա որոշում.
- 19) Գյումրու քաղաքապետի 2010թվականի նոյեմբերի 18-ի թիվ 2971-Ա որոշում.
- 20) Գյումրու քաղաքապետի 2011թվականի փետրվարի 24-ի թիվ 649-Ա որոշում.
- 21) Գյումրու քաղաքապետի 2011թվականի հունիսի 10-ի թիվ 2387-Ա որոշում.
- 22) Գյումրու քաղաքապետի 2011թվականի հունիսի 10-ի թիվ 2386-Ա որոշում.
- 23) Գյումրու քաղաքապետի 2018թվականի ապրիլի 3-ի թիվ 570-Ա որոշում.
- 24) Գյումրու քաղաքապետի 2018թվականի սեպտեմբերի 3-ի թիվ 1630-Ա որոշում:

1. Առաջարկել Հայաստանի Հանրապետության Շիրակի մարզի Գյումրի համայնքի ղեկավարին՝ Գյումրի համայնքի շահերի պաշտպանության համար ձեռք բերել փաստաբանական ծառայություն՝ 12 000 000 (տասներկու միլիոն) Հայաստանի Հանրապետության դրամի չափով:

2. Թույլատրել իրականացնել փաստաբանական ծառայության անհետաձգելի համարվող գնումը բանակցային ընթացակարգի կիրառմամբ՝ առանց գնման հայտարարությունը նախապես հրապարակելու:

3. Հանձնարարել Հայաստանի Հանրապետության Շիրակի մարզի Գյումրու համայնքապետարանի աշխատակազմի ֆինանսատնտեսագիտական բաժնի պետին՝ սույն որոշման 1-ին կետում նշված գումարի հատկացումը կատարել Հայաստանի Հանրապետության Շիրակի մարզի Գյումրի համայնքի 2024 թվականի բյուջեի 1/1/1 գործառնական դասակարգման (4241) «Մասնագիտական ծառայություն» տնտեսագիտական դասակարգման հոդվածից՝ օրենքով սահմանված կարգով:

4. Հանձնարարել Գյումրու համայնքապետարանի համապատասխան ստորաբաժանմանը՝ մինչև սույն թվականի օգոստոսի 5-ը ապահովել սույն որոշման 1-ին կետի պահանջի կատարումը:


5. Սույն որոշումն ուժի մեջ է մտնում հրապարակմանը հաջորդող օրվանից:

Կողմ-19 Դեմ-0 Ձեռնպահ-0

Որոշումն ընդունված է. (կցվում է որոշում N 161-Ա)

**Հայաստանի հանրապետության Շիրակի մարզի Գյումրի համայնքի
ավագանի**

Վ.ՍԱՄՍՈՆՅԱՆ




Լ.ՍԱՆՈՅԱՆ




Տ.ՀՈՎՀԱՆՆԻՍՅԱՆ




Ա.ՀՈՎՀԱՆՆԻՍՅԱՆ




Ն.ՊՈՂՈՍՅԱՆ



Գ.ՊԱՍԿԵՎԻՉՅԱՆ




Հ.ԱՍԱՏՐՅԱՆ




Ս.ԽՈՒԲԵՍԱՐՅԱՆ




Ա.ԲԵՅՐՈՒՏՅԱՆ




Ա.ՊԱՊԻԿՅԱՆ



Ք.ՀԱՐՈՒԹՅՈՒՆՅԱՆ




Զ.ՄԻՔԱՅԵԼՅԱՆ



Շ.ԱՐԱՄՅԱՆ



Լ.ՄՈՒՐԱԴՅԱՆ




Ա.Մ.ՄԱԹՈՍՅԱՆ




Ն.ԲԵԳՋԱԴՅԱՆ




Վ.ՀԱԿՈԲՅԱՆ




Հ.ՍՏԵՓԱՆՅԱՆ




Պ.ԳԵՎՈՐԳՅԱՆ



Կ.ՄԱԼԽԱՍՅԱՆ



Վ.ՀԱԿՈԲՅԱՆ



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇԻՐԱԿԻ ՄԱՐԶԻ ԳՅՈՒՄՐԻ ՀԱՄԱՅՆՔԻ
ՂԵԿԱՎԱՐ



ՎԱՐԳԳԵՍ ՍԱՄՍՈՆՅԱՆ